

Scheibenschlagen

2011

Nachname Vorname

Löschgruppe Graf-Gurnau

Grafer Kapelle

Liabe Leit, heint mecht mar enk olla schia begrießa,
wos d'rnoch iatz kimmt, sell kuan verdrießa.
Noch oltem Brauch tia mar ou Böller schiaßa.
A Verübl, dös war ins gor it recht,
a Hetz muaß sei, wega dem tia mar's decht.
D'Fuirwehr tuat enk in dr Noat olli halfa,
drum seits it beas und lot'sas galta.
Die earscht Scheiba, die hella,
keart dr Grafer Kapella.
Daß dr hl. Johannes von Nepamuk weiterhin über ins wocht,
und in dr letschta Stund für olla a Fürsproch mocht.

Da Böller hobts keart, iatz gia mar's on,
zearscht keima huira d'Grafer dron.

Bürgermeister & Vize Lutz Thomas Sieß Reinhold

Mit der Scheiba, dia mar iatz außa schiaßa,
tia mar in Bürgermeister und sein Vize bei ins do begriaßa.
Schia, dass es bei inserm Scheibaschloga schaugts vorbei,
miar hoba ou a Sprichli für enk dabei:
Des Fuaßbollplotz-Projekt isch ambitioniert,
isch jo recht, wenn für di junga Leit eppas passiert.
Miar hoffa nu, dass des die Gemeindekassa nit z'tiaf in di roata Zohla treibt,
und für inser Fuierwehrhaus a bissli eppas übrig bleibt.
Miar Grofer und Gurnauer fonga schua fescht zum Spora on,
und sammla Galt mit inser Bausteinaktion.
Miteinond wer mar schua eppas weiter bringa,
miar baauf enker Unterstützung, drum loss mar für enk no a Raketa aua singa.

Fam Hotz Oskar Edith

D´r Oskar hat vor seim Haus a steili Zufahrt,
des werd im Winter schnell zur Schlittafahrt.
Weil es so selta schneibt bei ins im Land,
geht des Schneerauma o numma guat von der Hand.
Planiera statt wegrauma isch die Deviese,
lei halt sau gfährlich weil ma liegt mit dem Auto schnell in der Wiesa.
Kaum denkt,da bricht der Woga vorna aus,
und der Opel schießt übern Weg o graus.
Auf der Kippe hockt der Oskar im Auto ganz blass,
er pfeift und schreit um Hilfe, es isch bestimmt kuan Spass.
Die Feuerwehr kimmt mit Blaulicht und Signal,
Iats muaß es schnell gian sinsch isch alles egal.
Des Auto war innerhalb von einer halben Stund wieder an rechta Stell,
d´r Oskar iats besser kiest, des passiert ihm numma so schnell.

Hotz Hannes

D`r Hannes hat mit seim Bus schua oft Probleme beim Scholta,
des Auto,hat er si denkt, wer i sicher nit lang kolta.
Am Zirlerberg tuat auf einmal an Ruck und an Tuscher,
mei sein die in der Werkstatt selche Pfuscher.
Der Motor isch explodiert,
Gott sei Dank isch nix gröbers passiert.
Mittlerweile isch der Bus o numma sein Besitz,
Er sitzt in an anderer Auto am Fahrersitz.
Mir winscha Dir no viel Glück mit dein nuia Woga,
hoffatli muasch iats numma so oft übers Auto di bekloga.

Hotz Lydia und Beate

Beate und Lydia tia am Haus alli epas repariera,
letzt Jahr haba si Terrasse miassa saniera.
In der Garage druntert war als nass,
des macht auf Dauer o kuan Spass.
Des Glander hat am Anfang nit glei g´stimmt,
aber iatz isch es genau aufs Haus abgestimmt.
Schia mit Glas&Edelstahl,
des sieht wirkli nit überall.
Miar tia enk für den tolle Umbau gratuliera,
und wera iats no a Raketa spendiera.

Hotz Monika

Monika tuat die ganze Welt bereisa,
sie kann iatz schua mehrere hundert Kilometer nachweisa.
Im November isch sie beim Pater Pio gwesa,
da scheut sie o kua Reisespesa.
Die ewige Stadt Rom hat sie schua angeschaut,
sei mir g' spannt wo hin sie nächst mal abhaut.
Miar wünsch Dir im nächste Jahr viel Gsundheit und nette Reisa,
vielleicht kannsch ins nächst Jahr a tolle Rundfahrt anpreisa.

Fam Hotz Martin & Maggi

Zum darzeala gabs wohl an haufa Gschichta,
aber eppas bsunders wella mar ganz sicher berichta.
Dar Martin und die Maggie hoba zum zwoata Mal Nachwuchs griagt,
deas isch eppas, wou alles Andere sei Wichtigkeit verliert!
A sou a Familie dia gibt uam Holt,
und desweaga iatz ou an BÖLLER für enk knallt!
Alles, alles Gute winscha mar enk viere im nuia Johr,
desweaga fliagt iatz nou a Scheiba durchoh.

Bar Melody

Die Bar Melody hat sich in Graf gut etabliert,
d'Fuierwehr enk dafür ganz herzlich gratuliert.
Bei am g'miatlichen Cafe oder am Bier vergisst ma gera die Zeit,
deas isch kua Wunder bei so freundliche Wirtsleit.
Dia Scheiba b'sonders weit ausi geaht,
damit enker Betrieb no lang in Graf steaht.

Schröcker Franziska

Franziska tuat in Innsbruck fleissig studiera,
ma sieht sie fast ni in Graf spaziera.
Miar wissa o nit wer da ihre Hand hebt,
o nit wo der junge Mann unter der Wocha lebt.
Franziska miar wella die nit länger mit Froga ploga,
iatz wera mir no a Raketa aucha joga.

Fam Schröcker Hermann Elfriede

D´r Hermann isch im Herbst auf Kur g´wesa,
da hat ersich guat erholt und guat genesa.
Die Elfriede hat die Ruhe sehr genossa,
aber sich dann decht a Kerza anzündet, weil sie hat noch a decht verdrossa.
Auf oanmal war in der Wohnung alles voller Roach und Nebel,
des Getäfel hat schua glost da hat Elfriede zocha alle Hebel.
Die Flamma hat sie glei d´rstickt,
aber der Ruass isch überall doba pickt.
Zum Glück sei alle gsund blieba,
des Getäfel schaut wild aus -des isch nit übertrieba.
Hermann und Elfriede mir wünscha enk no Glück im nuia Jahr,
und zum letschtjährige 70-iger vom Hermann a Raketa fliagt wunderbar.

Schröcker Evelin

Evelyn hat d´r Mama beim Putza und Aufrauma noch dem kleinen Brand fest
g´holfa,
sie isch a paar Tag mit dem Fetza und Kübel im Haus uma gloafa.
Der Ruass isch schwarz zum Bezwinga,
da isch uam numma zum Singa.
Sinsch wissa miar nit viel von dir zum Berichta,
vielleicht kenna miar nächst Jahr mehr zum Dichta.

FA Walch + Plannger

Im Büro Walch & Plangger brennt am Abend oft no Licht,
ma sieht a paar Schatta wo ma hinter dem Schreibtisch siacht.
Wenn so viel Arbeit isch zum Tian,
isch des fria huamgiahn o nit schian.
Kanal & Wasserleitungen wera alli groba,
aber vor ma onfangt selt ma an Plan hoba.
Miar winscha enk no viel zum Tian,
iats fliagt no a Scheiba wunderschian.

FA Streng

D'r Winter isch umma, wia jeder woß,
drum sei ou wieder dia gelba Auto vom Streng auf d'r Stroß.
Überoll sein si ummanond
Weil z'fiahra hoba sie ollerhond.
D' Schotter und Kies lot der Chef ober mit d'r Bohn transportiera
Weil so groa'ßi Menga tata nu inseri Stroßa ruiniera.
Dass sie d'r Boss ou für d' Umwelt Gedonka mocht,
d'r für vo ins ou nou an Böllar krocht!

Franz Friedrich + Elisabeth

A sou a Schwimmbad im Gorta sall hat jeder geara,
nu tata sou mancha die Bauarbeits steahra.
Zum Füllu vu deam Becka war d'Fuierwehr da,
mir helfa decht geara, deas isch decht klor.
Viel Spaß beim Schwimma wünsch mar zum Schluss,
und bei schlechtem Wetter nu kuan Verdruss.

Heimhilcher Manuela

Mit dia poor Zeila wella mar ins amol beschwera,
vu dir kriagt ma ja überhaupt nix zum heara.
In Zukunft miaßa mar wohrscheinlich an Spion engagiera,
um a paar guate Gschichtla vu dir zu lukriera.
Miar schicka iatz a Scheiba übern Bearg
auf dass ma im negschta Jahr mia vu diar heart.

Petter Johann

D'r Joschi wohnt in Graf iatz schua viele Jahr,
deas isch deacht wunderbar.
Kenna tuat ma die im ganza Land sall isch gwiß,
du bisch ja olli am Riß.
Beim neagschta Fußballspiel mit d'r Fuierwehr tat m'r die wieder gera begrießa,
auf dass wieder tuasch a paar Tore für ins schießa.

Fam Matt Egon Annemarie

Annemarie macht mit der Weiterbildung no nit Schluss,
iats isch sie Altenpflege und Betreuerin in einem Guss.
D' r Egon isch mit seine Hund viel beim Spaziera,
dass die Hund nit faul und starrig were muss ma sie fest trainiera.
Am halb acht isch er schua am Weg zum Übungsplatz,
mit zwei Schäferhund sieht er in der Fliesserau bestimmt kua Katz.
Mir wüscha enk no viel Gesundheit, Glück und Sega,
iatz kimmt no a Raketa mit Gold Rega.

Jäger Michael Zangerl Sandra

D' Sandra und in Michael mehta mar in Graf begrießa
und wera glei an Böller schießa.
Es hobat's a bissli renoviert
und da und det in' Wohnung investiert.
Wenn d' Fuirwehrleit kema kassiera
wera sie enker nuis Neschtli inspiziera.

Fam Matt Richard Rosi

Jo Leit, es habt's sicha schua kehrt und es isch wohr
dr Richard und dRosi zichn wek im heirigen Johr.
Auf Starkenbach werden sie gian,
aber da isch es decht nit so schian?
Trotz dem Neibau hab'n sie no Zeit
und macha Ausfliag mitm nua Motorradl, aber schua weit.
So a Honda Goldwing isch an Genuss
miar schießa enk iatz no an Böller zum Schluss.

Matt Christian

Wie mas Gald tuat guat investiera
des tuat in Christian fescht interessiera.
Als insertn Kassier hoba mar da an guata Fong
und mir lossa die da ou numma davon.
Wenn dei Freundin tuasch länger no vor ins verstecka,
nocha kema mar zu dir huam, da wera mar sie schu entdecka.

Maidel Wilfried

Dr Willi mecht in nexter Zeit s' Haus umbaua
des isch kua Kloanigkeit, miar weara schua kema schua.
Aber du hasch ja schua gmacht viele Socha
und wearsch des sicherlich ou schoffa.
Du kannsch ja guat plana und organisieren
mir kema aufa Marend und wera des Gonze noch inspiziera !
Dass dir des Vorhaba so wia du wilsch gelingt,
iatz no a Raketa aua singt.

Maidel Johann

In Johann mechta mar herzlich zum 80-er gratuliera (02.03.1931)
und glei a schiane Raketa spendiera.
Agiera konnsch die negschte Zeit als Polier beim Hausumbau
ober schau ou auf dei Gsundheit drau.
Iatz lass ma no an Böller krocha
und dass mar drfoga no an Haufa Socha.

Fam Schmid Robert Monika

Mit der negschta Scheiba die mir aussaschießa,
tian mi'r in Schmid Robert und Monika begrießa.
Übern Robert kenna mar folgendes berichta,
er tut mit über 80 no tatkreftig Holzorbeit verrichta.
Des wissa mar weil schua in der Fria der Kliaber geht,
und am Abad zum Haus a große Holzlegga steht.
Robert tuaschas holt nit gonz übertreibe,
nit dass no kriagsch a Ruggaleida.

Fam Nitsche Kurdoglu Gerald Brigitte

Brigitta iatz wearts amol Zeit dass mir di loba,
denn an Künstler zum Monn hoba deis isch sicher nit leicht , deis tia mir glouba.
Als Sozialarbeiterin hosch in Gerald sicher guat in der Hand,
do kann er mola egal auf welche Wand
Interessiera tat ins, wenn du amol anfangsch mit mola
und d' Gerhard dir in Tee bringt in dr Schola.
D' Fuirwehr wünscht enk a schiane Zeit
und die Scheiba iatz ochageht gonz weit.

Fam Horvarth Erich Elisabeth

Am Erich mechta mar huira amol recht herzlich gratuliera,
denn zur Pension tia mir a Raketa spendiara.
Mir wissa der Erich tuat d' Schul nit verdriassa,
viel mia sieht ma ihn und Elisabeth Leba geniessa!
Tiat's holt nit schua om Anfong übertreibe,
sinsch hobats lei boade wieder a Bondscheibaleida.
Mit wünsche enk im nuia Lebensobnschnit viel Glick,
ober des isch bei enk sicher mit dem Geschick!

Horvarth Thomas

In Thomas sieht ma hin und wieder im Cafe Bar Melody sitza
des isch gmiatlicher als in am Fitnessstudio schwitza.
Als Grinner Parteiobmann der Freiheitliche konsch politisiera
viele weare di aber ou dabei kritisiera.
Nach Ergebnisse und eppas Erreichtem wella miar messa
nocha wera mar kuan Politiker so schnell vergessa.

Horvarth Martha

Überaoll isch mitlerweile bekonn,
die Martha isch a nuie Hundebesitzerin im Lond!
Momentan tut sie mit'm Hund fleissig trainiere,
in absehbarer Zeit geht sie mit ihm warscheinlich o spaziera!
So isch ou d' Martha auf'n Hund kema,
den wert ma dir so schnell ou numma nema!

Autohaus Zangerl

Beim Roland und beim Ingo well mar ins zearsch amol bedonka,
dass mar olli kenna s' Auto ocha stella vor enkri Schronka.
E's neimat's enk für inser Auto olli Zeit,
sei's a Reparatur, Pickerl oder ou onderes Leid.
A Werkstatt in dar Nachbarschoft isch olli fei,
weil bei insar'm Auto konn olli wos sei.
Iatz tia miar no an Böller anreiba
und hoffa inser Fuirwehrauto muaß nit z'oft bei enk bleiba.

FA Getränke Wille

Seini Getränkewaga fohra Tog -aus Tog - in
Lond auf lond ob, Tol - aus , Tol - in.
Er denkt si, wo an WILLE do an Weg
Drum kimmt überoll, wo du grad bisch so an Loschtwoga zweg.
Überoll draht er seini Runda,
weil durschtige Leit sei seini Kunda.
Mit deane Kunda setsch viel Umsatz mocha,
drum lossa miar ou nou an Böll'r krocha.

FA Wille Harald

Sottel, Hänger oder sinsch an Loschtwoga
Mein WILLE geschehe, heart ma den Harry sogä.
Irgend uan Motor muaß er olli heara,
weil z'viel Ruah tat ihn sicher steara.
Im Haflinger oder auf'm Schiddo tunkt' s desholb richtig fein,
weil an Krawall, dös muaß bam Harry uanfoch sein.
Und dass seini Motora guat loufa und gschmiert bleiba
Tian miar zur Raketa nou an Böll'r onreiba.

FA HW Bau Graf

Für den persönliche Einsatz kenne miar nu gratuliere
Und lossa s'erscht mol für HW BAU a Scheiba marschiera.
Daß dia Firma bei ins do bleibt , isch recht schian
drum sett viel Geschäft und Auftrag in da Büch'r drin stiahn.
Un dass deas ou recht gut gelingt
Iatz ou für enk nou a Raketa singt.

Pammer Herbert Kathrein Anni

D´Anni und in Herbert hommar huira s'Haus saniera gsecha,
so lot sichs decht glei viel komfortabler leba.
A Tür von der Kucha in Gorta hot enk onglocht,
des hot it long dauert na worsdeas Werkli fertig gmocht.
Die Anni sieht ma öfters mit dem Auto auf Prutz in Arbeit fohra,
da isch sie in der Hauptkassa ganz geheim im Keller-da hat sinsch kuaner was
verlohra.
An Haufa Geld wersch du da wohl verwolta,
mei vielleicht kansch ins o einmal uans aufkolta.
Miar tia enk no an Glühwein augieße,
und glei no an Böller schiaße.

Fam Thurner Udo, Evelin

Dr Udo tuat mit Magnetismus und Wasser experimentiera,
denn wie weard eppa die Winschelruta lei funktioniera.
Besser isch wenn ma a Leck glei finda kann
da bisch nocha an begehrta Monn.
D'Evi kimmert sich um Meerschweinchen hinterm Haus
macht dena dr Winter im Freia wirklich nüt aus?
Wasser gfriet ab, des kann passiera
kennat's ja a Heizung inbaua, nocha wearts numma gfriera.
Setta mar vielleicht amol d'Fuirwehrhäusli umbaua kenna,
tata mar gera zum Installateur zu dir aua renna.

Huber Karin

Sou liabe Karin, deas isch decht a Gfrett,
ligsch du da gonza Tog lei in deim Bett?
Andersch kenna mar ins deas nit erklära,
dass mar vu dir aber überhaupt gar nix heara.
Deas kann nit sein und deas wella mar nit hoba,
drum bisch offiziell in d'Fuirwehrhalle ingloda!
Beim negschta Fescht darzeal a paar Gschichta,
nocha wissa mar s'negscht Johr ou wieder was dichta.

Fam Ruetz Markus

Dar Markus hat a nuie Herausforderung gsuacht,
und desweaga nit an normala Urlaub buacht.
Dar Jakobsweag war die Herausforderung,
zfuab giahn, mit ara schiana Landschaft umadumm.
Zur Ruhe keama und in sich giahn,
reduziert auf sich selbar isch sicherlich schian.
Vielleicht geasch im negschta Johr ja nou sou a Stuck,
aber bitte verlouf di nit, und kimm wieder zrugg.

Wagner Walter Ingrid

Der Walter hot sie huira mit „Sanitär Wagner“ selbständig gmocht,
do hot die Ingrid dahoum im ersa Moment gornimmar glocht.
Milderweile tut die Ingrid numma verdriassa,
und die neu Tätigkeit vom Walter ou lobend begriessa.
Durch die Umgestaltung dahoum, kann sogar die Ingrid im Paznaun arbeitea gia,
und muass numma nu mia am Herd alou stia.
Auf enkare gemeinsomes berufliches gelinga,
wert iatz no a Rekatea in a Himmel singa!

Moschen Anni

D`Anni tuat ihre Pension fest geniessa,
und tuat um kuan Führerschein verdrießa.
Sie fährt mit die Öffis im ganza Talkessel umanand,
beim Grissemann in Zams isch sie als Buskundschaft bekannt.
Den Seniorenausweis hat sie alli im Portmonee,
des Busfohra isch ja sooo schee.
Anni miar winscha Dir no viel Spass in der Pension,
mit dem Bus fohra isch und bleibt a alte Tradition.

Moschen Norbert & Emilia

D`r Norbert isch nur mehr jede 2 Wocha bei ins im Land,
er isch öfter in Graz und hebt seiner Frau die Hand.
Die Kilometer a paar hundert an der Zahl,
sei für den Norbert o kua Qual.
In Landeck am Stadtbauamt wera sie Ihn schua manchmal vermissa,
weil er isch ja an Mann mit großem Wissa.
Mir in Graf sei um Ihn o fest froa wenn mir epas hoba zum Froga,
selt er numma bei ins wohna miaschta mir des fest bekloga.
Norbert iats kriagsch no an Böller und an Schuss,
mach ins mit Graf als Hauptwohnsitz bitte nit Schluss.

Tiefenbrunn Anna & Gröbner Simone

Zwoa fescha Madla schwarz und blond gia ein und aus
in dem Grofer rosarota Haus.
In ara Wohngemeinschaft tiats es leba
kemmts amol in'd Fuirwehrhalle a Saftli oder Bierla heba.
Dass deas ou passiert
die Scheib bsunders weit ausa marschieret.

Wasle Lisa

Hallo Lisa, du wohnsch ja im Thurnerhaus
mir kenna di no nit, obwohl du da gehsch ein und aus.
Im Facebook hoba mir di ou nit entdeckt,
du hosch die wotta guat versteckt.
Mir tia die Scheiba weit ochaschloga
vielleicht wera mar s'negscht Johr mehr drfoga.

Strigl Andrea

Um di Andrea zum seacha da gibt's an Trick,
schau ausm Fenschter schua vorm Frühstück.
Ganz friah mocht sie sich alli auf die Socka,
da bleibt kua Zeit zum nochm Aufstiahn nou lang darhuam zum hocka.
Ins Altersheim noch Ried fohrt sie und arbeitet da recht hort,
für dean sozialen Einsatz iatz a Raketa in Himmel aucha fohrt.

Aydogdu Ali

Ali, mir mechta dir und deiner Familie mit deam Spruch schiane Griaß überbringa,
und di inloda, amal in d'Fuierwehrhalle ichazspringa.
Auf an Ratschar oulder auf a kurzes Getränk,
iatz schiaßa mar nou a Scheiba für enk.

Braunsdorf Silke

Jo Silke, kimm decht a mal vorbei,
nocha heart deas auf mit dar sinnlosa Schreiberei.
Wenn ma ou lei ua Gschichtli vu diar woas,
weard s'negschte Sprichli sicherlich hoäß.

Macanov Madine

Mir deam Sprichla mecht di d'Fuierwehr in Graf begriaßa,
und mir weara ou glei an Böller darzua schiaßa.
Hoffentlich gfolfts dir bei ins guat und du findaschas schian,
und meld di bei ins, hosch eppas zum tian.

Dablander Markus

Dar Markus hat eppas, deas isch ihm gonz wichtig,
darneaba scheina ondre Soche grod nichtig.
Sei Auto wenn d'Sunna scheint blinzelt und locht,
ob deas dei gonzes Poliera mocht?
Aber pass dir lei auf wenn da VW zviel poliersch,
dass am Schluss nit dein gonza Lack verliarsch.

Staub Marco

Nit leicht isch beim Marco a Sprichli zum schreiba,
was wissa miar schua vu seim Leaba und Treiba?
Mir wünschta ins viel mia Information,
a guats Sprichli im negschta Johr war noch da Loh.
Miar schiaß a Scheiba, gsund setsch ins bleiba!

Kirschner Katharina

Die Katharina wount schua seit längerem in Grins,
und zwor im Altersheim und numma do bei ins.
Do douba gibt's gnua zum erleiba,
drum dirft's bei diar kua Longweile geiba.
Miar hoffa dir duat's do douba guat dauga,
aber drotz dem no ab und zua zu ins ocha schauga.
Diar sett des nuie Johr viel Gesundheit bringa,
und mit ara Rakeita loss mar die Sprichli aus klinga!

Nöbl Markus & Katharina

Dr Markus hat sich denkt iaz werts Zeit,
dassas mit dr Freindin zomm a eigene Wohnung geit.
A Wohnung beim Hotz daußa hotts sein miaßa
nit weit weck, dass er nit tuat verdriaßa.
Gonz überrascht isch er beir Jahreshauptversammlung gwea
als dr Hubi bei da Befördernden Nöbel Markus hat vorglesa.
Löschmeister isch er gwora inser Monn
weil er hot ja unter Beweis gestellt wos er alls kann.
D'Kathi tuat bei dr Fuierwehr fescht mithalfa und sich engagiera
dafür lossa mir die Scheiba weit vom Bichl ocha radiera!

Fam Nöbl Ferdinand , Romana

An Gewürzgorta tian sich dia zwoa bauh
Und long, long auf'n Plan draufschauh.
Sie bauh auf, sie bauh wieder ob, suach an ondara Fleck
Denn laut Plan isch deas Gstell rund und hot koan Eck.
Gwoara isch deas Werkli nocha wunderschan,
drum tuats ou genau in d'r Mitte vom Gorta drinstiahn.
Daß deas Gwürz do drin ou guat wochsa sett,
lossa miar nou an Böll'r vom Brett.

Nöbl Anna

Dia Scheiba lossa miar iatz aussisinga,
dia sett d'r Anna witerhin Gsundheit bringa.
Uans miassa miar schua amol sogah,
miar freia ins olli, wenn miar kenna d'r Anna a Scheibe schloga.
Dös sett weiter nou long so bleiba,
drum tian miar ou nou an Böll'r onreiba.

Nöbl Hannes

Im Hannes mechts m'r glei am Anfang an Böller anreiba,
weil letscht'n Summer hat'r beschlossa numma allein z'bleiba.
Petra hoßt die Glückliche, kimmt aus Vorarlberg und isch Ergotherapeut,
da hat d'r Hannes no kua Minute bereut.
Lei nach zwoa Monat isch sie vorübergehend wieder verschwunda,
und hat sich in Malaysia für a halbes Jahr in oaner Schul eingfunda.
D'r Hannes denkt sich so a lange Zeit kann decht nit sein,
und fliegt kurzerhand über Weihnachten und Neujahr zur Petra ein.
Lei mit oaner Roß im Jahr tuat sich d'r Hannes nit z'frieda geba,
drum tut'r vorher mit seine Freind no für a paar Tag nach London abheba.
Dass deine weitera Reisen ou wieder so gut funktioniera,
tian m'r iatz no an Böller traktiera.

Fam Schlatter Engelbert Stefanie

Das am Engel in dar Pension nit Longweilig weart,
kouft er sich a Motorradli hom mar keart.
A BMW mit 1200cm³ isch dar nuie Grofer Blitz,
aber do fahlt no von dar Stefanie dar richtige Sitz.
Und sall darf natürlich kuan normaler sein,
a Spezialonfertigung sall war fein.
Die Liachter hoba ou nit passt in sei Konzept,
drum hott er glei a poor nuie dr hea g' schleppt.
No hoba sie dia Lichter glei montiert,
und dr' mit sei eigenes Motorradli kreiert.
Dass des Motorradli nit sinnlos uma steat,
seit' s olli unterwegs solong' s enk geat.
Nu g' sundheitlich hot' s die a bissli kett,
a nuis Knie hosch braucht des isch a gfrett.
Die Operation dirft ober guat vr' loufa sei,
5 Wocha spater wor er schua wieder bei seiner Holzerei.
Iatz wear mar die Scheiba weit oa schiasa,
und dr mit die Sprichli ob schliasa!

Schlatter Harald & Melli

Beim Harry siehst du vor'm Haus fast jedes Jahr stahn an nuia Woga,
tuasch du deine Autos olli so fest ploga?
An Landy muss da mindestens her,
weil mit was anderem hat ma ja lei a Gscher.
Ob d'Kinder, d'Melli oder die Ross mit dem Vehikel tuasch durch die Gegend
fihra,
da bisch olli sicher unterwegs und kannsch die ou no anständig rihra.
Mir wünsch enk Viere weiterhin alles Gute und dass mit dem neuen Woga tuat
nix passiera,
tian m'r iatz no an Böller in Himmel katapultiera!

Perktold Michael

Vom Michael was schreiba isch kua Freid,
vo dir isch in Graf Gurnau ganz selta die Red.
Mir tata die nach einer Feuerwehrprob amal gera in d'r Halle begrieß,
du tatesch deas sicher nit büß.
Iatz schiaß m'r dia Scheiba b'sonders weit durchah,
und winscha dir a gutes und erfolgreiches Jahr.

Fam Kobler Gerald & Gabriele

In Gerald und die Gabriele haba m'r leatscht's Jahr nit oft g'secha,
es seit's s'ganze Jahr aber nit untatig g'wesa.
Deas G'schäft mit'm Massagesalon muaß ganz guat giahn,
ma siehst olli an Haufa Autos vor'm Haus od'r d'r Feuerwehrhalle stahn.
Dass enk zwoa beruflich und privat weiter alles so guat gelingt,
a Raketa in Himmel auchi singt.

Kobler Maria

Iatz lossa m'r an Böll'r krocha,
und tian Station bei d'r Maria macha.
Mir hoffa du bisch neagscht's wieder fleißig aus'm Haus,
nacha geht sich sicherlich wieder amal an schianer Ratscher nach d'r
Feuerwehrprob aus.
Bleib so wie du bisch,
so munter, jung und frisch.

Traxl Richard

De Scheibn isch aus dr Gluat
mir hoffn es geat im Richard guat.
Gsundheit, Glick und s allerbescht
winschn mir dir heint bei inserm Fescht.
S'Johr 2011 dir des alles bringt
und zum Schluss a Raketa in Himmel aua singt.

Plattner Kathrin

D'Kathrin isch deas Jahr nit lei uamal im Fliager gkockt
denn sie hat a bisli s'Reisefieber pockt!
Auf Dänemark und Schweden isch sie aua im Summer
Die Freundin hat sie mitgnoma dassas gibt kuan Kummer.
Im Herbst isch dr Andi mit ihra in Fliager gstiega
und nit lei um dett a mehr oder weniger guats Essa zum kriega.
In Dubai wos Erdöl aus alle Löcher tuat fließe
sein sie aufs höchste Gebäude der Welt aua um den Ausblick zu genieße.
A Jeep und a Kamelreise hoba sie dett dunta ou no gmocht
und auf deas aua iaz no an Böller krocht.

Plattner Christian

Jo über' n Christian gibt' s nit viel zum sogä,
aber von dar Schual losch die numma long bloga.
Du hosch 4Johr da investiert,
und mit huira die Schual zum Maschinenbau Techniker absolviert.
Nocha hosch mit dar Matura ou wirklich leicht locha,
des gonze wearsch du ou sicher guat schoffa!
Auf dass die Prüfung nit duasch vr' sauä,
miar no dia Scheiba weit oa hauä!

Fam Plattner Wolfgang Angelika

Die Plattner's sei voll motorisiert
die Austos mit Xdrive - Allrad integriert!
An Kies vorm Haus für'd Autos wera sie numma broucha
und so kimmt die Kieskista , die volle ,ou wieder auf Grins oucha.
Dass des gonze a Misverständnis war,
weil der Wolfgang hot ichagschaufelt im Frühjahr den Kies und deis isch wohr.
Mir wella enk iatz no an Böller anreiba,
und damit den entstandane Ärger vertreiba!

Fam Senn Arnold Ursula

Wandara gahrt d' r Arnold mit seim Hund völlig jeden Tog,
dass deas gsund isch - sall isch kua Frog.
Manchsmol tuat ob'r d'r Arnold dahuam nit schaua
Und geiht frohgelaunt noch bis auf Grins aua.
Und do isch es holt amol passiert,
dass d'r Arnold mit zwao verschiedana Schuach marschieret.
Und dass die ondare zwao folsche Schuach dahuam nit verdrießa
Tian miar enk nou a Raketa schießa.
Über des Malheur mit deem Sturz in der Kucha tia mar s'ngescht Johr berichta
weil do hobar mar nocha wieder wos zum Dichta.

Senn Evi

Evi, bei dir sein mir ins nit ganz gwiß,
bisch du no in Gurnau am Riß?
Nix hera, nix secha, nix d'rfraga,
du tuasch die Sprichlaschreiber jedes Jahr auf's neue plaga.
In Wattens tuasch a Freunschaft pflega
und in Innsbruck am MCI Gald verdiena fürs Leba.
Leatscht's Jahr hatt m'r a nettes Grillfestli in d'r Feuerwehrhalle g'mocht,
beim neagschta bisch dabei sall war ja gloacht.

Fam Senn Werner Brigitte

Als war's bei ins nit grad so schia,
fliagt dr Werner noch Marokko zum Schifohra gia.
Nit long hot's dauert, di Brigitte wor gonz entsetzt,
kimmt di Nochrict, er hot si do dunta an dr Schulter verletzt.
In dr MedAlp hot ihn dr Schranz Luis glei operiert,
nocha a poor Wocha dahuam im Kronkastond, bis er isch auskurieret.
Di Brigitt hot ihn fescht verwöhnt,
obwohl, da Werner olli dahuam, war si gor numma gwöhnt.
Zwischadurch gönna sich dia Zwoa an Wellnessurlaub zum Entsponna,
do planscha si gonz relaxt in der Whirlpoolwonna.

Senn Anna

Di Anna zählt in ihrem Leba schua an Haufa Johr,
ober deswega losst si sich wochsa kuana graua Hoor.
Geht fleißig zum Friseur und bleibt als Blondine
mit über 80 Johr no a flotte Biene.
Anna, holt di mit deine Spaziergärg weiterhin fit und pass auf di auf,
mir wella di no viel Johr hoba auf inserer Lischte drauf.

Senn Verena

Ou die Verena und in Chris hats letzten Sommer aus Tirol glockt
und sie hoba kurzerhand die Koffer pockt.
Noch Korsika sein si gfohra mit'm Zug,
weil für zwoa Studenta trogts einfoch kuan tuira Flug.
Si hoba di gonz Insel erkundet, zum Onschaua gib's do ollerhond,
dies isch interessanter, als olli nu liega am Strond.
In Jugendherbergen hoba sie genächtigt
denn Zeit für Wellness wor nit, dia zwoa wora olli beschäftigt.
Dass vielleicht o amol an Ausflug auf Gurnau aua dabei isch
iaz a Scheiba den Bichl ocha zischt!

Vollath Hubert

Dr Hubert weart huira 80- Jahr
an Bart hat er iatz und grau sei seine Haar.
Mit der Weiber isch er morz wählerisch,
jünger sett sie sein, knackig und frisch.
Drum geat er ou fleißig in dia Swingalclub
ab und zu weart er schu no tia an Schub.
Auf jedenfalls alles Gute zu 80-er,
dass no oft kimsch auf Gurnau her.
An Böller und a Raketa iatz no aucha geht,
schad dass deas hasch nit gheart.

Walter Berta

Dia Berta isch an emsige Frau,
ob olt oder jung, auf alla schaut sie drau.
Dass du gera kochsch, dies wissa miar genau,
vielleicht steagt amol auf dr Einladung "Fuirwehr drau"
Zum Trinka ,sall tata miar selber mitbringa
und dir no a paar Liadla singa.
An Böller hosch dr iatz sicher verdient,
und obdrau a schiane Raketa aua kimmt!

Fam Walter Markus Sybille

In sou am Schönheitssalon deas isch decht klor,
braucht ma alli eppas nuis, Jahr für Jahr.
Zum schian sein gkeart heintzutog a farbige Haut,
drum hobats eas zwoa ou a Solarium inbaut.
Viele Kunda und a guats Gschäft im negschta Jahr,
drum fliagt dia Scheiba iatz ganz weit durchoh.

Schütz Manuel

Dr Manuel hot si grichtet in seiner Wohnung a super Bod,
mit gonz speziella Flisa, do isch ihm nuit z'schod.
Di Installateure hot's beim Komplettiara saggrisch gfuxt,
do hot dr beschte Boarer nuit gnutzt.
Huiru mechtsa miar die Wohnung inspiziera
und lossa dr no an Böller krepiera.

Fam Schütz Erwin Christine

Handwerklig's Gschick hot der Erwin, sall komma sogu,
drum braucht er sich bei seini Orbeita ou nit so fescht ploga.
Eppas hot er und d'Christine olli im Gong
Drum kimmt iatz ou nou d'Balkonbrüstung dron.
Kuane Bretter und Leista und ou kuani longa Stonga,
sondern Kollektora, damit kenna sie d' Sunna und viel Energie infonga.
Und dass si deas ou glei amol rentiert
Iatz für enk zur Scheiba ou nou a Raketa marschieret.

Fam Haag Sabine u. Peter

Johraus, johrin bei dr Venetbohn,
des wor ihm z'eng, dem guata Monn.
Iatz tuat er in Innsbruck a Ausbildung mocha,
und leant beim WIFI an Haufa nuia Socha.
Den Abschluss zur Sicherheitsfochkroft,
hosch du iatz bold amol gschofft.
Iatz tia mar no an Böller loda,
so a Zusotzausbildung konn nia schoda.

Pfisterer Peter

In Pete hat's leatscht's Jahr beruflich in hohen Norden verschloga,
in Norwegen hat'r die Felswänd an'gfanga zum plOga.
An Job in selch harte klimatischen Bedingungen isch nit olli so schian,
denn da gibt's bei Regen, Schnee und Eiseskälte olli eppas zum tian.
Miar haba keart es hat d'r trotz allem ganz guat taugt,
es habt's ja ou in ona oder andara Pletzin baut.
Neben d'r Arbeit warsch aber ou viel auf d'r Roaß,
da gibt's ja ou viel zum secha, weil deas Land ich ja rießengroaß.
Bis zum Nordkap bisch g'fahra
deas sein sicher unvergesslich Momente gwora.
Bei d'r Weihnachtsfeier hat enk d'r Chef auf a Schiffsfahrt eing'loda,
da hasch du angeblich sogar missa a Krawatta troga.
Damit d'r s'neue Jahr wieder gut gelingt,
a Raketa in Himmel auchi singt.

Pfisterer Dieter Christine

Beim Dieter und dr Christine da stia miar iatz on,
weil ma vo dene zwoa nit viel derfroga konn.
Dass der Dieter isch in dr Pension,
deas sieht ma schua seim Mountain -bike on.
Wenn der Akku da drauf isch voll im Soft,
nocha er's leichter auf d'Schihitta aucha schofft.
Mochat's so weiter un bleibats gsund
deas winsch mar enk und lossa no a Raketa vom Grund.

Wilhelm Karin

Di Karin tuat sich di Zeit vertreiba,
mit Texte für die Zeitschrift Impuls schreiba.
Miar tia des gera unterstütze und ou verstiah,
lei a paar Zeila über'd Fuirwehr wera a schia.
Dass deis tuasch und ou guat gelingt
iatz no a Raketa zu dir aua singt.

Carpentari Carina

Über die Carina kenn mar nit viel schreiba,
wenn sie sich tuat olli in Sea und in Koppl uma treiba.
Ma sieht die bei ins jo numma oft,
kant' sch öfter keima auf B' such, sall hat mar koft.
Auf dass die losch bei ins wieder öfter blicka,
miar dia Scheiba no weit oa schicka!

Carpentari Julia

Die Julia hot´s iatz gschofft,
und hot die Wohnung zu ihrem eigen g´mocht.
Do wohnt sie iatz mit ihrem Freind und nit alua,
trotz dem isch dia Wohnung sicher nit s´klua.
Iatz wear mar dia Scheiba no weit ausa dreiba,
dass mar hoba s´negst Johr mia zum Schreiba!

Fam Carpentari Reinhard Marlies

Dar Reinhard findet alli eppas zum bauh,
und huira hats geaba für alle wos zum schauh.
Renoviert gkeart, in dar Waschkucha dunta,
da hat dar Reinhard beim Flemma versehentlich sei Garage anzunta.
Aber glei d´Fuierwehr angruafa, da hosch richtig reagiert,
wichtig isch dass ma da kua Zeit verliert,
und Gott sei Dank isch nit allzuviel passiert.

Fam Carpentari Reinhard Michaela

Dar Umweltschutz, über deas denkt jeder noch,
und dar Reinhard baut sich glei a Solaranlog aufs Doch.
Und uans isch klor, deas war decht glocht,
sou schwar isch deas nit, deas weart selber gmocht.
Im Summer isch dar Reini öfter amol unterwegs mitm Rad,
da pfeift er mit seim Bua di steilschta Häng durchab.
Tua guat aufpassa, Graf und Gurnau braucht die unverletzt,
damit epparn in Grins insare Interesssa umsetzt.

Carpentari Jürgen und Sonja

Mit der Familie in Urlaub, wohin sell ma da giahn?
Nach Italien, Grado, da isches alli schian!
Lei bei enkarm Urlaub hats g´regnet 2 Tog wia aus Kübel,
a Überschwemmung vorm Zelt, deas war richtig Übel.
Nach ara verloarana Wett muaß dar Jürgen in Reaga,
mitm Schlauchbott aufm Campingplotz fohra, deas muaß ma ou meaga.
Deas mitm Wetta setsch eppa lossa,
sinscht bisch im negschta Johr wieder im Wosser.

Sailer Gerhard & Brigitte

Liabe Leit, es wearat's es nit glouba,
in Gurnau wohnt die Frau Holle, ziemlich weit douba.
Die Brigitte achtet sehr auf Frische und Sauberkeit,
drum hängt sie ihre Better ausm Fenschter gonz weit.
Und ou die Pölschter weara gschittelt jeden Tog,
sou wias die Frau Holle gar nit vermog.
A schians Jahr 2011 wünscha mar enk zwoa,
an Böller sell klinga, a Scheiba fliagt durchoh.

Pekar Manfred und Sabine

Die Renovierung geht langsam dem Ende zua,
deas weart enk gleich sein, nocha hobats endlich a Ruah.
Enkar Gorta isch enk bsundrig wichtig drum ischar sou schian,
alli hergrichtat und sauber isch an Haufa zum tian.
Aber nocha kann ma zum Grilla vor dar Tür daußa sein,
bei am schiana Wetter isch deas decht recht fein.
Viel Spaß 2011 in dar Grillsaison,
a Scheiba sell fliaga und an Böller hinta dron.

Fam Pfeifer Karl Brigitte

S'Leaba isch zum geniaßa da,
und enkre Hobbys sein dafür wunderbar.
Mit'm Motorrad die Gegend erkunda,
drahats damit im Summer so manche Runda.
Und fürs Essa muaßas an Edelstahlgrill sein,
draufgelegt wird Rind, Geflügel und Schwein.
Aso an Grillnommitag tat dar Fuierwehr ou gfolla,
drum lossa mar für enk iatz an Böller knolla.

Öttl Wolfgang Christina

Da in Gurnau gibt's holt nit viel schiane Weg zum spaziera,
drum tuat Christine des Madali zwischa Grins und Stanz hin und her kutschiera.
Dr Opa Oswald isch meischtens mit,
des haltet alle gsund und fit.
Wolfgang wie war deas, wenn du schausch darzu,
dass enkar Madali nit long bleibt allua ?
An Bandscheibavorfall setsch kett hoba und hosch miaßa operiera,
d'Fuirwehr winsch dar no gute Besserung und losst der nou an Böller krepiera.

Würthenberger Claudia u. Armin

In der Schula hobas die Kinder ou numma leicht,
eas weard alli schwarzer, dass es für a guate Nota reicht.
Drum tuat Claudia a poor Schialer in Mathe und Englisch trainiera,
damit sie die Angscht vor die Prüfunga verlierera.
Im Winter da seids eas zwoa viel auf die Ski,
mit die Kinder in See, da geht's dahin.
Miar wünsch enk a guits Johr und viel Glück,
und lossa a Raketa in Himmel ganz dick.

Fam Landerer Franz Elfriede

Die Überraschung deas Jahres gib't's auf der Soga douba,
isch deas wirklich wahr? Miar kenna's nit glouba!
Der Franz fohrt nach Jahrezenten kuan Opel mia,
a andere Marke isch ou amol schian.
An LandRover steht iatz vor der Garage,
miar hoffa dass mit deam Auto a Gaudi hosch.
Viele Kilometer sellsch fohra und deas pannenfrei,
und miar schiaß a Scheiba durchou und deas glei!

Fam Marth Edmund Helene

Miar tata geara schreiba a longs Gedicht
Nu kriegt ma d'Helene oder den Edi nit oft voars Gesicht.
Zur Helene bis auf Zams sieht man ihn öfter marschiera
do kann ma eaba richtig Ausdauer trainiera.
Sett d'Helene noch amol um die Pension onsucha
Muasch du dir nocha a ondera Route sucha.
Ob'r dass deas nit so schnell passiert
Iatz für enk ou nou an Böll'r krepirt.

Fam Schultes Hubert Brigitte

D'Gitti isch a fleißige Frau
fährt all Tag in'd Arbeit, deis wissa miar genau.
Und wenn sie zruggkimmt, nocha hot sis fein,
da steigt sie ins Taxi auf'd Soga ein.
Sie hofft dass dr Hubert eppas guats hot kocht,
a Galadinner muaß es ja gor it sei, was er mocht.
Iatz kimmt nou an Böller und an Schuss
damit nit hobat's an Verdruss.

Vogt Herta

D' Herta von d' Soga, deas isch wahr,
hat gfeiert den 70-er im letschta Johr.
Zu dera Feier isch aufmarschieret a lustige Schar.
Die Simmerinker Musikanten sie kema zum aufspiela,
da isch der Herta sogar amol die Sproch weck blieba.
D' Fuirwehr wünscht nachträglich alles Gute
A Scheiba aus'm Fuir und a Raketa weit aucha,
weil mar insere Herta no long brauchta.

Vogt Irene

Jo die Irene, des find mar schia,
sigt ma viel mit dar Herta wondara gia.
Des isch gsund und holtat fit,
do brauch' sch dei Auto jo überhaupt nit.
Ou sinsch sigt ma die hegsten' s mit' m Radl,
mit dem fohrsch du ou ohne Fehl und Tadel.
Miar hoffa du losch dar dia Freid am Sportla nit klaua,
dr' für wear mar dei Scheiba no weit oa haua!

Larcher Mathias

A eigens Haus hat d'r Mathias leatscht's Jahr an'gfangta zum konstruiera,
weil er wollt eppa numma bei die Eltern ein und aus marschiera.
Deas Fertigteilhaus war in kurzer Zeit aug'stellt,
da hasch eppa deacht alles richtig b'stellt.
Lei mit'm Einzug muasch no a bissli warta,
d'r Innenausbau weart ja selber g'moacht mit samt'm Garta.
Bei deine ganza Bauaktivitäten hasch d'r ja glei in richtiga Bauleiter engagiert,
d'r Vater Tag ein Tag aus auf d'r Baustell umchamarschieret.
Dass dei Bauwerk bis zum Ende guat gelingt,
a Raketa in Himmel auchi singt.

Fam Larcher Peter Margret

Dia Familie Larcher isch iatz numma so groaß
Weil d'r Easy und Spotti sein auszocha, wia jeder woäß.
Dia zwoa hoba iatz a anders Reich
Ongeblich in Oberösterreich.
Huir weara mir sie nocha amol bsucha giahn
Mit ama Fuirwehrausflug verbinda, war decht schian.
Und dass dia zwoa Rösser nit zviel v'rdriaßa
und für'd Margret nou zum letschjährike runda Geburtstag tian miar nou an
Böll'r schiaßa.

Schütz Florian

Dar Flo und di Babsi, deas isch ja bekannt,
erkunda geara amal a anderes Lond.
Italien, genauer Sizilien wars Ziel,
und 2 Wocha Zeit isch kuan Tog zviel.
A nuie Wohnung hats letschts Johr ou nou geaba,
lei a bissli streicha und an Bouda icha leaga.
Schua noch kurzer Zeit war in deam Bouda a Wella drin,
dean muaß ma abschneida, sinscht macht deas kuan Sinn.
Inser Rat, beim negschta Mal uanfach 2 x messa,
nocha liegt dear Bouda vu Anfang an besser.

Schrott Werner Gudrun

Sie wohne zwor im Deitscha, dös tuat uns nit irritiera,
so long sie olli eppas für d' Fuirwehr spendiera.
Auf unserer Homepage weard ma bestens informiert,
was olles so bei ins da passiert.
Für jede Spende tian miar donkschian sogaa
Und d'rfür ou in der Neadr a Scheiba ochaschloga.

Fam Schütz Egon Sissi

Wia schnell uam d'Gundheit an Strich durch d'Rechnung mocht,
dia Erfohrung hot dr Egon s'letscht Johr gmocht.
Plötzli beamt' ihn im Büro daußa nieder,
und er findet sich im Kronkahau dunta wieder.
Beim Weg zugg bleibt ihm nuit dersport,
kua Zigretta mia, des isch schua hort.
Im Summer no a poor Wocha auf Kur
und iatz isch dr Egon wieder zugg in seiner Spur.
Iatz wear mar enk no a Raketa spendiara,
und darmit zu enkerm Enkala gratuliara.

Huber Susanne und Peter

Mit Nuikeita tuat d'Susanne und d'r Peter a bissli spora,
drum hommers miaßa onderweitig d'rfohra.
Iatz lossa miar ober glei a Raketa marschiera
und tian nachträglich nou gratuliera.
Manchmol muaß mag grod froga, wia d'Susi olli tuat,
sie bringt uanfoch ollas,- ob Verlobung oder a nuis Lokal,- unter uan Huat.
Auf d'Raucher hot sie ou nou gschaut
Und deana an schiana Raum im Cafe d'rzua baut.
Und deas isch wahrlich guat gelunga,
drum hot dia Scheibe bsunders gsunga.

Fam Huber Robert Gabi

Den Robert und d'Gabi sieht ma öft'r ins Deutsche fohra,
weil do hot si wieder a Enkeli ing'stellt, hoba miar d'rfohra.
Ma learnt nie aus und schua gor nit in der Pension
Drum stellt sich d'r Hansrobert beim Windla wechsele recht gschickt on.
S' Enkeli muaß man im Tog holt öfter trocka lega, sall isch kua Frog
Drum learnt ma dös ou nou in da olta Tog.
Mir hoba g'heart, dös isch dir guat gelunga,
drum hot zur Scheiba nou a Raketa gsunga.

Fam Rainalter Ekehardt Hella

Dr Ekehard und die Hella, woas setta mar da sogä,
di sei alli voll beim Orbeita, da tuasch wenig drfoga.
A Baustell do a Baustell det,
d isch as nocha Zeit, dass deis aufheart des gonze Gfrett.
Holt's außa aus dr Garage enker Wohnmobil,
und fohrat's durch Gegend mit oder ohne Ziel.
Eki -- s'Navi tuasch besser it installiera,
nocha konn's enk ou nit in die falsche Richtung navigiera.
Eki mochtr da nit zviel draus
weil ondere Leit kenna sich da ou it aus.
A Raketa weit aua marschieret
weil insere Hella wieder an super Kaskiachlatoag hot z'ommgriert!

Scheiber Markus

Di Post in Strenga hot aukhert, des war für di nit schian
du hasch miasn ohne dein Urlaub det gian.
Im Madleiner Haus konnsch iatz di Ausbildung weitermocha
so fleissig wie du bisch, des war decht zum locha
wearsch secha du hasch in nullkomma nix
wieder viel Urlaub des isch fix.

Scheiber Peter

Der Peter isch beir ÖBB deas wissa mar ja schua long
aber iaz darf er ou fahra mitm longa Gsponn!
Ob mit ara Taurus oder mit am dieselbetriebena Woga
dr Peter steuert dia Lokomotiven in olla Loga.
Dass ou weiter alle Ausbildunga guat tuasch mocha
lassa mar für die iaz an Böller krocha!

Scheiber Robert

Über'n Robert gab's so viel z'berichta,
das mar kannta 5 Seita voll dichta.
Aber miar weara probiera,
des holbegs kurz z'protukolliera.
Er hot 2010 a andere Arbeit gsuacht,
dr nuie Chef hot ihm glei a Ticket noch Norwegen buacht.
Unter dr Wocha orbeita und am Wochenende frei,
no hot er glei on gfonga mit dr Fischerei.
Norwegen alluan wor zwor gonz schian,
aber uan zwoa Landla mia miasta no gia.
A Weltreise hat dr guat taugt,
drum hosch die glei im Internet um g'schaut.
New Zealand und Japan keart do dr zua,
4 wocha unter wegs, do hatsch noch gnua.
Nu hot dr die Gsundheit an Strich durch die Rechnung gmocht,
und no hosch glei 3-Wocha im Krankahaus verbrocht.
Irgad ebas hot dar auf da Moga gschloga,
drum hosch miasa die Weltreise leider ab sogä.
Ou sinsch hot die s'Pech a bissli verfolgt,
drum hot die auf dar Fohrt nach Sea dein Orsch in dar Kurva überholt. (Auto)
Des gonze isch für die holbeg's glimpflich oa gonga,
die hot zum Glück die Leitschiena auf g'fonga.
Du hosch diar dr bei kuani Verletzunga zua zoucha,
aber s'Auto hosch kenna mit mam Totala (Schaden) verkoufa.
Seit dem sigt ma die mit ma Audi uma fohra,
nu der hilft diar ou nit wirklich beim spora.
Auf dar Seita steat Quattro und die Forb isch griä,
Nu mit 13l im Tank bleibsch nach 100km stia!
Do ma im Winter in Norwegen kuani Felsvernetzunga mocha konn,
fongt er iatz holt beim Kofler on.
Des Gmias für die Hoteler zom klauba isch iatz dein Job,
den erledigsch du sicher top.
Das du des Pech huira tuasch verliara,
miar dir dia a Rakeita spendiera!!

Fam Scheiber Helmut Martha

Dr Helli hot sie salber nia dr Fuirwehr verpflichtet,
ober in Nochwuchs, den hot er ins guat grichtet.
Iatz sei bei inserer Fuirwehr olla vier Buaba,
und dr Helli konn dahuam auf dr Bonk gmiatli ruaba.
Mit gmiatli isch es vorbei, wenn dr Winter fongt on,
weil noch isch dr Helli vom Michael dr Betreuungsmonn.
Bindung richta und Schi präpariara,
guat zuareda und Wadl massiara,
oll Wochenend zu am ondera Schireнна fohra, londauf londob,
des holtet da Helli so richtig auf Tropp.
Dass es zwoa viel Pokale mit huam kennts bringa,
loss mar enk no a Raketa aua singa.

Grießer Eva Maria

Wos sett mar über die Eva groas schreiba,
wenn sie sich tuat auser Landes uma treiba.
Fost s' gonze letzte Johr hosch in Bregenz gwohnt,
miar hoffa es hot sich für die glohnt.
Ober gonz hot's diar woll decht nit taugt,
drum hosch die mit deem Freind uma nuie Wohnung um g' schaut.
Iatz hot's enk nach Düsseldorf ausa zoucha,
hoffentlich weart für enk da dausa olles guat loufa.
Du konsch die huiru ruig öfter zu ins hea draua,
dr' für wear mar die Scheiba no weit oa haa.

Grießer Elisabeth

Über die Elisabeth kenn mar nit viel berichta,
ausser dass sie fleißig noch geat ihra Pflichta.
Sie hot s' letzte Johr ihren Eid in dar Kircha g' schwora,
und isch somit die Gouti vom Paul gwoara.
Du hosch die dr bei sehr ongarschiert,
hosch woll no nit für s'Eigene trainiert?!

Und dass des tuasch ou in Zukunft guat mocha,
loss mar no an Böller krocha!

Fam Grießer Hubert Rosmarie

D'Rosi ziacht mit ihrem Motorrad ihr eigene Spur,
und mocht mit'm Hubert ollpot a Tour.
S'letscht Johr hoba si ket Italien am Plan,
aucha übern Rescha und Richtung Süden durch Meran.
Toskana, des klingt noch guatem Wein,
noch Wärme und noch Sonnenschein.
Ober dass dia Vorstellung nit olli stimmt,
merkt ma, wenn vor lauter Rega s'Wosser ins Gnagg icha rinnt.
Do bleibt uam als Troscht nu no dr guate Wein,
des kann decht ou recht romantisch sein.
Dass bei enker nägscht Tour s'Wetter stimmt,
iatz no a Raketa im Himmel verglimmt.

Schmid Thomas

Dr Tommy weard eppa learna miaßa am Tog
weil er huira di Matura mocha mog.
Trotz dem Stress den er dadurch hot
er no Sport in dem bissl Freizeit mocht.
Bei Fuassball und Skifohnr isch er olli dabei
Musi spielen tuat er ja ou no - des isch ja ollerlei.
Iatz winsch ma dir no a guats Gelinga
und die Scheiba set dir viel Glick bringa.

Schmid Daniel

Dr Dani isch so wia mar' n kenna,
olli fleißig beim uma renna.
Sei Band, die Fuirwehr und in Innsbruck studiara,
und zum Abschluss no beim Fuaßboll trainira.
Du mochscho nou in Grins beim Theater mit,
die musikalische Gestaltung isch dar Hit.
Miar hoffa dass du viel Spass dr' bei hosch,
dass ou s' negst Johr sou weiter moch' sch!

Fam Schmid Harald Angelika

Im Harald missa m'r huira am Anfang glei gratuliera,
und lossa a Raketa in Himmel auchi marschiera.
Beim Schifahra isch d'r Harald an alter Fuchs sall war deacht g'loacht,
und hat huira beim Schiklubrennen glei in Klubmeister g'moacht.
Sogar deine Buba haba d'r missa in Vortritt geba,
mir hoffa die zwoa tian deas ausheba.
Mir wissa zwar nit genau wer bei dem Rennen war no dabei,
es wera aber schua mehr gwesa sein als Drei.
Bei so viel Sportsgeist in d'r Familie will d'Angelika natürlich nit sein hinten dran,
und schnallt sich öfters amal die Langlaufschi an.
Dass enkre ganza Aktivitäten ou weiterhin verletzungsfrei bleiba,
tian mir no an Böller anreiba.

Fam Schmid Helmut Linde

Im Gorta hot d'Linde olli eppas z'tian
Drum sieht ma sie ou auf der Gortamaura stiahn.
Bam Grasla zupfa und Bluama brocka hot sie sich buckt
Und dabei ou ihr Gleichg'wicht verruckt.
Kopfüber isch d'Linde vor Maura g'floga
Und hot sie dabei den Ellboga brocha und verboga.
Und vom Helmut kenne miar dös gor nit verstiahn,
normal tuat ma d'Frau bar Orbat sichera,
nocha muasch si nit im Spitol bsucha giahn!

Juen Johannes

Dr Johannes hot sei Lehrzeit hinter sich brocht,
und ou glei di Gsellprüfung gmocht.
Als ausgelernter Koch bisch bei uns ins do Kaiser,
do konnsch dr aussuacha im Winter di beschta Heiser.
Den Winter hot's di noch Sölden icha verschloga,
do drin sett jo d'Höll los sei, heart ma sogä.
Noch dr Orbat wearsch du di ins Nochtleba stürza,
isch jo nit tragisch, wenn am nägschta Tog tuasch d'Suppa verwürza.

Juen Julia

D'Julia isch viel im Facebook drinna
und tuat det viele Spiele gwinna.
Ma heart du hasch viele Rekorde schua gmacht
ja Julia, hasch du no Zeit zum schlafa in dr Nacht?
Am Tag geasch in'd Arbeit, am Abend hocksch beim Spiel,
mir hoffa des weard dir mit dr Zeit nit zviel.

Fam Juen Hubert Erika

Da Hubert und die Erika sieht ma im Summer olli auf dar Wiesa stia,
wo sie am Seppl olli fleißig zur Hond gia.
Nit nu beim Haja sei sie dr'bei,
sondern beseitiga ou im Stoll jede Schweinerei.
Sinsch hom mar huira nit viel zum schreiba,
kanntat's nit huira wieder a bissli mia Latzi dreiba?!
Enkar Scheiba wear mar iatz no weit ausa schiasa,
und darmit enkar Sprichli ob schliasal!

Fam Juen Josef Paula

Am Seppl und dr Paula wear mar iatz a Rakeita spendiera,
Für 50zig Johr EHE braucht ma sich nit geniera.
A goldene Hochzeit hot ma nit oll Tog,
drum kearts ou g' feiert des isch kua Frog.
Zur Erneuerung vom Gelobnis seit's in Strenga drin gwest,
die gonz Familie wor dr' bei bei enkarem Fest.
Hoffentlich kennat's no a poor schiani Jahrsla erleiba,
dr für wear mar enkar Scheiba iatz weit ausa heiba.

Fam Siegele Waldemar

Da Waldemar hot's beim Holza saggrisch versetzt,
und er hot si an der Schulter verletzt.
Di Doktor hoban im Spital wieder gflickt
und im Herbst no auf a Kur verschickt.
Iatz hot miaßa d'Ruth in die Presche springa,
und mit dem Obst di Fassla voll bringa.
Den Schnops hatta mar geara probiert,
ober mir hoba keart, des Fassli isch in dr Garage explodiert.

Autohaus Maschler

Des Öl weart olli tuirer, di Leit miaßa spora,
und weara vorzua nu mia mit'm Fohrradla fohra.
So schaut dr Alptraum vo am Autohandler aus,
ober do mocht's enk nu nuit draus.
Auf's Auto will heind niamand mia verzichta,
und wenn ma kua nuis kouft, noch a bringt ma hold s'olte in'd Werkstott zum
Richta.
An Böller loss mar no krocha zum Schluss,
und wüscha enk für des Johr a heida Umsatzplus.

Fam Juen Klaus Anna

In Klaus sieht ma in oller Herrgottsfriah,
numma sei Runde in'd Neadr giah.
An a so a Viechli tuat ma si hold fescht gwehna,
des keart zur Familie und jeder tuats verwehna.
Iatz tia mar enk no an Böller schiaß a,
tiats nit z' fescht um enker Jessy verdriaß a.
Im Klaus mechts mr nou nachträglich zum letschjähri 70-iger gratuliera
und a wunderschiane Raketa spendiera.

Thöni Maria

Am Rond vo Gurnau im letschta Haus,
do geiht di Maria schua viel Johr in und aus.
Si tunkts in ihrem Haus recht fei,
und mocht sich's gmiatli, so sells sei.
Dr Bua kimmt si fleißig bsuacha,
do gibt's sicher an Kaffee mit Kuacha.
Und dass si ou kimmt amol aus'm Haus,
fiahrt er si ob und zu zum Essa aus.